

欽定新疆識畧卷三

南路輿圖

天山以南是爲回疆乾隆二十四年平定後建城
八曰喀什噶爾曰英吉沙爾曰葉爾羌曰和闐曰
阿克蘇曰烏什曰庫車曰喀喇沙爾其地在漢時
爲城郭諸國喀什噶爾爲疏勒國英吉沙爾爲依
耐國葉爾羌爲莎車國和闐爲于闐國阿克蘇爲
溫宿國烏什爲尉頭國庫車爲龜茲國喀喇沙爾
爲焉耆國今地名皆沿回語從其俗也喀什爲各
色噶爾爲磚房其地庶富多磚房故曰喀什噶爾

913.561
3604
4

英吉謂新沙爾謂城其地新建城故曰英吉沙爾
葉爾謂地羌謂寬廣其地寬廣故曰葉爾羌惟和
闐卽古于闐之轉音也阿克蘇以水得名阿克謂
白蘇謂水其地昔有水患高城深溝以避之也烏
什以山得名烏什卽烏赤山石突出城居山上故
以名焉庫車以井得名庫謂此地車謂管井其地
有管井也喀喇沙爾以城得名喀喇謂黑沙爾謂
城其城年久黑色也八城分駐辦事領隊大臣其
大小相維英吉沙爾則附喀什噶爾和闐則附葉
爾羌阿克蘇昔亦附烏什嘉慶二年始分而總皆

屬於喀什噶爾之叅贊大臣考其事宜喀什噶爾
英吉沙爾葉爾羌烏什阿克蘇五城則滿營綠營
兼駐和闐庫車喀喇沙爾三城則惟綠營無滿營
烏什阿克蘇喀喇沙爾三城有屯田餘城則無阿
克蘇有錢局餘城則無其所統轄八城皆有回莊
而喀什噶爾烏什阿克蘇又有布魯特喀喇沙爾
復有土爾扈特和碩特此其大畧也夫古之撫藩
服者動曰得其地不足守得其人不足用我

朝聲威震疊不冒遐陬回疆自戡定以來迄今幾六
十年休養生息勤力農桑每歲正供喀什噶爾回

子交糧一萬四百六十六石六斗零交餘糧一百
七十一石交布一萬一千一百一十匹英吉沙爾
回子交糧二千二百六十四石交布一千九百八
十五匹和闐回子交糧一萬三千九百三十四石
八斗交布四萬七千六百六十四匹阿克蘇回子
交糧七千六百三十五石四斗二升八合交布四
千零三匹葉爾羌回子交糧二萬一千三百六十
餘石庫車回子交糧二千八百八十五石六斗喀
喇沙爾回子交糧九百八十二石而賦錢稅錢不
與焉地獲其利人資其力加以任土作貢納賚輸

琛如阿克蘇之桑椹葉爾羌之石榴蘋果木瓜以
及回劍回斧玉櫛七首噉嚙籜之器麟趾裏蹠之
金皆恭見

聖製詩集是其前代侈陳遠畧但事羈縻所得擬其萬一
哉謹繪各城輿圖其疆域事宜以次載之至吐魯
番爲南路門戶而哈密爲新疆門戶地則在天山
南故並附於南路之末云

南姑並柳外南羅之東江

南姑南羅門山山合法氣祿讓門南姑柳外天出

南姑南羅門山山合法氣祿讓門南姑柳外天出

南姑南羅門山山合法氣祿讓門南姑柳外天出

南姑南羅門山山合法氣祿讓門南姑柳外天出

南姑南羅門山山合法氣祿讓門南姑柳外天出

南姑南羅門山山合法氣祿讓門南姑柳外天出

圖 總 路 南



伊 犁 界

圖 總 路



青頭山

嘉峪關

縣門王

州西安

縣總彰

麻色爾

哈拉淖爾

爾淖布羅

木塔里

博斯騰淖爾

沙特

和碩特

土爾扈特

渭子河

開都河

密山連

番魯吐

界坤里巴

界齊木魯烏

壁戈

平定回疆紀事

乾隆二十二年伊犁既定始有事於回疆初準噶爾強虐諸回部回首瑪哈墨特者世居喀什噶爾葉爾羌二城爲衆所服噶爾丹策凌召而囚之並繫其二子長曰波羅泥都次曰霍集占卽所謂大小和卓木者也大軍定伊犁瑪哈墨特已死波羅泥都霍集占迎降將軍班第

奏釋之以兵送波羅泥都歸喀什噶爾俾統其舊屬而令霍集占留撫回衆之在伊犁者兄弟二人俱狡黠霍集占尤甚阿睦爾撒納之叛霍集占助之

攻勤王之台吉宰桑等及阿睦爾撒納敗走哈薩克霍集占乘間竄歸葉爾羌爲煽惑計會伊犁將軍兆惠遣副都統阿敏道赴回城議事霍集占拘而害之遂與波羅泥都各據城叛於是納欵諸回城復觀望有應之者二十三年春靖逆將軍雅爾哈善率大軍問罪五月行抵庫車攻之不下霍集占以沙雅爾之衆來援喀爾喀郡王策布登扎布迎擊之於和落霍澌生擒宰桑渥赭特副都統愛隆阿復蹙之鄂根河岸大殲賊衆霍集占亡其纛是爲和落霍澌之捷霍集占以殘兵入庫車閉城

守尋以四百騎乘夜潰圍遁而西七月復庫車城
沙雅爾舊伯克烏哈墨第以沙雅爾城降賽里木
回人阿瓜斯伯凱等以賽里木城降時雅爾哈善
以縱賊獲罪定邊將軍兆惠代之八月兆惠軍至
哲爾格哲克和闐舊伯克霍集斯納戶籍請降霍
集斯者烏什望族嘗從征擒達瓦齊有功霍集占
援庫車脅之爲逆令駐阿克蘇以待及其敗還也
阿克蘇人不納霍集斯則給以赴烏什徙其衆至
烏什亦閉城守皆送款軍門復阿克蘇城復烏什
城九月大軍赴葉爾羌霍集占以馬兵四千步兵

六千保葉爾羌波羅泥都亦自喀什噶爾以馬兵三千步兵二千會盡驅居民入城刈田禾近城爲大坎築高臺以守十月六日大軍至葉爾羌兆惠等勒兵分爲中軍左右翼軍每軍各有前後隊兆惠率侍衛鄂實福齡安等爲中軍叅贊大臣明瑞領前隊總兵高天喜領後隊左翼軍副都統鄂木布領前隊副都統愛隆阿領後隊右翼軍副都統由屯領前隊總管端濟布領後隊巴圖魯滿綽爾圖厄魯特散秩大臣達什策楞領挑誘兵陣於城東左右翼與挑誘兵進奪其臺賊於東西門各出

四五百騎師對陣立鄂木布明瑞等十人率勁旅
入賊益出兵三戰皆北北門又出騎三四百來夾
攻爲由屯截殺不得逞自卯至申賊敗入城守偵
者言賊牲畜輜重在城南之英額齊盤山議移營
分賊勢十三日兆惠遣愛隆阿等分兵扼喀什噶
爾援路乃徙營白城東轉攻城南師濟哈喇烏蘇
甫四百騎橋斷賊擁衆萬餘迎戰兆惠等分兵爲
三隊將軍居中由屯居右鄂木布居左三隊齊進
前後迎敵賊騎敗已又從兩旁來犯我師馬力絀
不能馳驟總兵高天喜副都統三格侍衛鄂實特

通額死之是爲通古思魯克之戰師復踰哈喇烏蘇而東固守大營賊濬濠決水我師隨機應禦營中復掘得糧窖拾取鎗礮鉛丸三閱月士無飢色兵氣彌利所謂黑水圍也先是

高宗純皇帝以兆惠富德在行間久其母年皆老別授伯納木扎爾爲靖逆將軍侍郎三泰爲叅贊大臣往代是時行至黑水遇害愛隆阿克蘇與阿克蘇叅贊大臣舒赫德率師來援副將軍富德會之二十四年正月六日次呼爾璊霍集占迎戰敗之翌日賊復據高阜逆我師富德等突擊竟日夜初

八日賊四面迎截我師陣而行渡葉爾羌河轉戰
復一日夜適叅贊大臣阿里衮由巴里坤解馬千
匹來會阿里衮與鄂博什分兩翼馳突賊衆驚散
與富德等合軍威大振努三鄂博什以右翼擊之
阿里衮愛隆阿以左翼夾攻富德以中軍合戰殺
賊千餘波羅泥都脇中銃創甚昇入城十四日圍
解我師振旅還次阿克蘇初兆惠攻葉爾羌時別
遣侍衛齊凌扎布葛布舒及回長鄂對等往招和
闡降其六城及黑水被圍霍集占遣其黨阿布都
克勒木等六百餘人往來和闡侵犯城池齊凌扎

布等分守伊里齊哈喇喀什玉隴喀什三城其餘
三城復附賊大軍之還阿克蘇也遣副都統巴圖
濟爾哈爾瑚爾起等往援值大霧掩擊斬賊渠阿
布都海里克及霍集雅斯於陣餘黨遁復和闐城
六月大兵自阿克蘇分道進討兆惠由烏什取喀
什噶爾富德由和闐取葉爾羌波羅泥都自葉爾
羌遁入喀什噶爾掠牲畜驅丁男千餘人踰山而
西閏六月初三日明瑞率前隊畧地至伊克斯哈
喇德和濟默爾等六人來降進至喀什噶爾城回
民跪迎獻牛酒復喀什噶爾城霍集占亦自葉爾